



ს ა ქ ა რ თ ვ ე ლ ო
ქალაქ ქუთაისის მუნიციპალიტეტის საკრებულო
დ ა დ გ ე ნ ი ლ ე ბ ა

№ 26

ქალაქი ქუთაისი

26

აგვისტო


2026 წელი

ქალაქ ქუთაისის მუნიციპალიტეტის ადმინისტრაციულ საზღვრებში
M2 და M3 კატეგორიის მუნიციპალური ავტობუსებით რეგულარული
სამგზავრო გადაყვანისას ფასდაკლების სისტემის დამტკიცების
შესახებ

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ლ“ ქვეპუნქტის, „ნორმატიული აქტების შესახებ“ საქართველოს ორგანული კანონის 23-ე მუხლის 1-ელი პუნქტის, 25-ე მუხლის 1-ელი პუნქტის „ბ“ ქვეპუნქტის, „კონკურენციის შესახებ“ საქართველოს კანონის მე-3 მუხლის „რ“ ქვეპუნქტის, „პერსონალურ მონაცემთა დაცვის შესახებ“ საქართველოს კანონის მე-4 მუხლის, მე-5 მუხლის პირველი პუნქტის „გ“, „დ“ და „კ“ ქვეპუნქტების, საქართველოს კანონის „საქართველოს ზოგადი ადმინისტრაციული კოდექსი“ 61-ე მუხლის 1-ელი და მე-3 ნაწილებისა და „ეკონომიკის რეგულირებადი სფეროების განსაზღვრის შესახებ“ საქართველოს მთავრობის 2014 წლის 5 დეკემბრის №667 დადგენილების საფუძველზე, ქალაქ ქუთაისის მუნიციპალიტეტის საკრებულო ადგენს:

მუხლი 1. ქალაქ ქუთაისის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული რეგულარული სამგზავრო გადაყვანისას M2 და M3 კატეგორიის მუნიციპალური ავტობუსების მარშრუტებზე უფასო მგზავრობის უფლება მიეცეთ:

1. ქალაქ ქუთაისში რეგისტრირებულ შეზღუდული შესაძლებლობების მქონე (შშმ) პირებსა და მათ გამცილებელს;
2. ქალაქ ქუთაისში რეგისტრირებულ მეორე მსოფლიო ომის ვეტერანებს, ვეტერანებთან გათანაბრებულ პირებსა და სამხედრო ძალების ვეტერანებს;
3. ქალაქ ქუთაისში რეგისტრირებულ საქართველოს ტერიტორიული მთლიანობისათვის, თავისუფლებისა და დამოუკიდებლობისათვის საბრძოლო მოქმედებების ვეტერანებს;
4. ქალაქ ქუთაისში რეგისტრირებულ სხვა სახელმწიფოთა ტერიტორიებზე საბრძოლო მოქმედებების ვეტერანებს;
5. ქალაქ ქუთაისში რეგისტრირებულ აუტიზმის სპექტრის დარღვევის მქონე პირებსა და მათ თანმხლებ პირს;
6. ქალაქ ქუთაისში რეგისტრირებულ მეორე მსოფლიო ომში, საქართველოს ტერიტორიული მთლიანობისათვის, თავისუფლებისა და დამოუკიდებლობისათვის, სხვა სახელმწიფოთა ტერიტორიებზე მიმდინარე საბრძოლო მოქმედებების დროს დაღუპულთა (გარდაცვლილთა), მათ შორის, ომის შემდგომ გარდაცვლილთა (უზო-უკვლოდ დაკარგულთა) ოჯახების წევრებს;
7. ქალაქ ქუთაისში რეგისტრირებულ ჩერნობილის ავარიის შედეგების ლიკვიდაციის მონაწილეებს.



8. არასამეწარმეო (არაკომერციული) იურიდიული პირის „ქალაქ ქუთაისის მადლიერების სახლის“ ბენეფიციარებს;

9. ქალაქ ქუთაისში რეგისტრირებულ მრავალშვილიან დედებსა და მარტოხელა მშობლებს;

10. ქალაქ ქუთაისის მუნიციპალიტეტის ადმინისტრაციულ საზღვრებში მცხოვრები სოციალურად დაუცველი ოჯახების მონაცემთა ერთიან ბაზაში რეგისტრირებულ ოჯახებს, რომელთა სარეიტინგო ქულა არ აღემატება 65 000-ს;

11. ქალაქ ქუთაისის მუნიციპალიტეტის ადმინისტრაციულ საზღვრებში არსებული საჯარო და კერძო სამართლის ზოგადსაგანმანათლებლო დაწესებულებების მოსწავლეებს;

12. არასამეწარმეო (არაკომერციული) იურიდიული პირის „სპეციალური სერვისების“ თანამშრომლებს (მეეზოვეები, დამლაგებლები და მუშები);

13. რუსეთ – უკრაინის ომის შედეგად უკრაინიდან დევნილებს, ვისაც აქვთ ბინადრობის უფლება საქართველოში და ფაქტობრივად ცხოვრობენ ქალაქ ქუთაისის მუნიციპალიტეტის ტერიტორიაზე;

14. ქალაქ ქუთაისის მუნიციპალიტეტის ადმინისტრაციულ საზღვრებში მცხოვრებ ლტოლვილის სტატუსის მქონე უცხო ქვეყნის მოქალაქეებს.

მუხლი 2. ქალაქ ქუთაისის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული რეგულარული სამგზავრო გადაყვანის M2 და M3 კატეგორიის მუნიციპალური ავტობუსების მარშრუტებზე მგზავრობის ტარიფის 50 %-იანი ფასდაკლებით სარგებლობის უფლება მიეცეთ:

1. არასამეწარმეო (არაკომერციული) იურიდიული პირის „ქალაქ ქუთაისის ბაგა-ბაღების გაერთიანების“ ფილიალის თანამშრომლებს.

2. ქალაქ ქუთაისის მუნიციპალიტეტის ადმინისტრაციულ საზღვრებში განლაგებული ავტორიზებული უმაღლესი და პროფესიული საგანმანათლებლო დაწესებულებების სტუდენტებს.

მუხლი 3. ამ დადგენილების პირველი და მე-2 მუხლებით განსაზღვრული კატეგორიების პირთათვის განკუთვნილი, გადახდის შესაბამისი საშუალებების გამოყენების კონტროლის მიზნით, ქუთაისის მუნიციპალიტეტის მერიისთვის, შეღავათით მოსარგებლე პირთა, მათ შორის კანონმდებლობით დადგენილი წესით, საჯარო სამართლის იურიდიული პირის „სახელმწიფო სერვისების სააგენტოს“ ელექტრონული ბაზებიდან მოპოვებული მაიდენტიფიკირებელი მონაცემების (სახელი, გვარი, პირადი ნომერი, ფოტოსურათი) მიწოდება ეთხოვოს ქალაქ ქუთაისის მუნიციპალიტეტის მერიის მიერ გამოვლენილ შესაბამის უფლებამოსილ პირს (შემდგომ - „სამგზავრო ბარათის გამცემი“).

მუხლი 4. ამ დადგენილების პირველი და მე-2 მუხლებით განსაზღვრული კატეგორიების პირების მონაცემთა ბაზის განახლების მიზნით, არანაკლებ 3 თვეში ერთხელ, სამგზავრო ბარათის გამცემისათვის შესაბამისი ინფორმაციის მიწოდების უზრუნველყოფა ეთხოვოთ:

1. პირველი მუხლის პირველი პუნქტით განსაზღვრული კატეგორიების პირებთან დაკავშირებით - საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებულ საჯარო სამართლის იურიდიულ პირს „სოციალური მომსახურების სააგენტოს“;

2. პირველი მუხლის მე-2, მე-3, მე-4, მე-6 და მე-7 პუნქტებით განსაზღვრული კატეგორიების პირებთან დაკავშირებით - საჯარო სამართლის იურიდიულ პირს „ვეტერანების საქმეთა სახელმწიფო სამსახურს“;

3. პირველი მუხლის მე-5, მე-9, მე-10 და მე-14 პუნქტებით განსაზღვრული კატეგორიების პირებთან დაკავშირებით - ქალაქ ქუთაისის მუნიციპალიტეტის მერიის პირველად სტრუქტურულ ერთეულს - სოციალურ სამსახურსა და სამსახურს;



4. პირველი მუხლის მე-8 პუნქტით განსაზღვრული კატეგორიების პირებთან დაკავშირებით - არასამეწარმეო (არაკომერციული) იურიდიულ პირს „ქალაქ ქუთაისის მადლიერების სახლს“;

5. პირველი მუხლის მე-11 პუნქტით განსაზღვრული კატეგორიების პირებთან დაკავშირებით - საჯარო სამართლის იურიდიულ პირს „განათლების მართვის საინფორმაციო სისტემას“, ქუთაისის საგანმანათლებლო რესურსცენტრსა და ქალაქ ქუთაისის მუნიციპალიტეტის ადმინისტრაციულ საზღვრებში არსებული საჯარო და კერძო სამართლის ზოგადსაგანმანათლებლო დაწესებულებებს;

6. პირველი მუხლის მე-12 პუნქტით განსაზღვრული კატეგორიების პირებთან დაკავშირებით - არასამეწარმეო (არაკომერციული) იურიდიულ პირს „სპეციალურ სერვისებს“;

7. პირველი მუხლის მე-13 პუნქტით განსაზღვრული კატეგორიების პირებთან დაკავშირებით - ქალაქ ქუთაისის მუნიციპალიტეტის მერიის პირველად სტრუქტურულ ერთეულებს - ადმინისტრაციულ და სოციალურ საკითხთა სამსახურებს;

8. მე-2 მუხლის პირველი პუნქტით განსაზღვრული კატეგორიების პირებთან დაკავშირებით - არასამეწარმეო (არაკომერციული) იურიდიულ პირს „ქალაქ ქუთაისის ბაგა-ბაღების გაერთიანებას“;

9. მე-2 მუხლის მეორე პუნქტით განსაზღვრული კატეგორიების პირებთან დაკავშირებით - საჯარო სამართლის იურიდიულ პირს „განათლების მართვის საინფორმაციო სისტემას“ და ქალაქ ქუთაისის მუნიციპალიტეტის ადმინისტრაციულ საზღვრებში განლაგებულ ავტორიზებულ უმაღლეს და პროფესიულ საგანმანათლებლო დაწესებულებებს.

მუხლი 5. ქალაქ ქუთაისის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული მუნიციპალური ავტობუსებით (M2 და M3 კატეგორია) ადგილობრივი საქალაქო რეგულარული სამგზავრო გადაყვანის განმახორციელებელმა იურიდიულმა პირმა უზრუნველყოს ამ დადგენილების პირველი და მე-2 მუხლებით დამტკიცებული მგზავრობის ტარიფის ფასდაკლების სისტემით მომსახურების განხორციელება მოქმედი სამართლებრივი აქტების შესაბამისად.

მუხლი 6. სამგზავრო ტარიფის ფასდაკლების სისტემის მომსახურებით მოსარგებლე მოქალაქეთა მგზავრობა განხორციელდეს ამ დადგენილების მე-4 მუხლში მითითებული ორგანოების მიერ, ქალაქ ქუთაისის მუნიციპალიტეტის მერიის მიერ გამოვლენილ შესაბამის უფლებამოსილ პირთან (სამგზავრო ბარათის გამცემი) სამგზავრო ტარიფის ფასდაკლების სისტემის მომსახურებით მოსარგებლე პირთა შესახებ ინფორმაციის მიწოდების საფუძველზე, რის შემდეგაც სამგზავრო ბარათის გამცემი უზრუნველყოფს მათთვის მგზავრობისთვის საჭირო სამგზავრო პლასტიკური ბარათების ან/და ციფრული საბანკო ბარათების ან/და პლასტიკური საბანკო ბარათების ან/და გადახდის სხვა საშუალებების დამზადებას/შექმნას.

მუხლი 7. ძალადაკარგულად გამოცხადდეს „ეკონომიკის რეგულირებად სფეროებად განსაზღვრული ქალაქ ქუთაისის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის M3 კატეგორიის ავტოსატრანსპორტო საშუალებების მარშრუტებზე სამგზავრო ტარიფის ფასდაკლების სისტემის დამტკიცების შესახებ“ ქალაქ ქუთაისის მუნიციპალიტეტის საკრებულოს 2021 წლის 28 აპრილის №177 დადგენილება (www.matsne.gov.ge, 05.05.2021, №010250020.35.123.016580).

მუხლი 8. დადგენილება ამოქმედდეს 2026 წლის 1-ელ სექტემბერს.

საკრებულოს თავმჯდომარის
მოვალეობის შემსრულებელი



ნიჟარაძე